

102, tēpus deinde quod ita hac additiōe colligit, intromittēdum
tabulæ secūda, accessus & recessus nonæ spheræ primū cū an-
nis collectis, deinde cū mētib⁹ aut dieb⁹, qui respōdeāt ip̄is mē-
sib⁹, postremo cū horis & horarū minutiis si quē in dato tēpore
existāt, mot⁹ itaq; trepidatiōis p̄ datū tēp⁹ hoc modo elicit⁹: erit
accessus & recessus nonæ spheræ qui querebat velut si fuerit in
tētio motū accessus & recessus nonæ spheræ numerare p̄ annis
bisextilib⁹ seu rhomanis 1251, & dieb⁹ 152, a Christi saluatoris
nostri natiuitate cōpletis seu pro Alfonsi regis æra, igiṛ annis
rhomanis seu bisextilib⁹ 1251, dieb⁹ 152, addant̄ anni rhomani
20, dies 102, quibus ante nostri saluatoris incarnationē trepidati-
tio nonæ spheræ integrā reuolutionē p̄fecerat, Et fiūt anni 1271,
dies 254. Secundā itaq; trepidatiōis nonæ spheræ tabulā in pri-
mis ingrediēdo cū annis rhomanis 1000, Excipiunt̄ signa cōia
iii, gra, xxvii, minuta prima xliii, secunda xx, tertia 1, deinde cū
annis 200, gra, xxiii, minuta prima xxxii, secunda xl, tertia 10,
Præterea cū annis lx, gra, vii, minuta prima iii, secūda xlviiii, ter-
tia iii, Rursus cū annis xi, gradus vnus, minuta prima xvii, se-
cūda xl, tertia lvi, Deniq; cū diebus 243, qui cōpetūt diebus ab
initio ianuarii vsq; ad finē Augusti cōputatis, colligunt̄ minūta
prima 4, secunda xli, tertia lvi, Postremo diebus xi, ex eadē
secūda tabula cōperiunt̄ minuta secūda xii, tertia xlvi, his oib⁹
aggregatis emergit mot⁹ trepidatiōis nonæ spheræ p̄ Alfonsi re-
gis æra, cōmuniū signorū iiii, graduū xxix, primorū minorū,
xlii, secundoꝝ xxiiii, tertiorū xliiii, quod inuentū vnico differt
tertio a priore, Verū nemini scrupulū gignat, q̄ p̄ æra Alfonsi
in presentī supputatione subiecerā annos rhomanos 1251, dies
152, Nā annus incōplet⁹ quo Alfonsi regis æra desierat bisexti-
lis extitit, atq; iccirco diē vnū oportebat adiicere, vt fierēt anni
rhomani 1251, dies 152, cōpleti, quod in superiore numeratione
necessariū nō fuerat, Insup notandum q̄ si datū ante saluatoris
nostri natiuitatē tēp⁹ extiterit maius annis rhomanis xx, dieb⁹
102, His itaq; ex dato tēpore sublati, relinquit̄ tēpus, quo ex se-
cūda hac tabula, trepidatiōis mot⁹ elicit⁹ & dēptus ex integro
circulo, id est ex signis xii, relinquit nonæ spheræ trepidationē,